

# Ol Key Biodiversity Area blong Vanuatu: Aneityum

## Key Biodiversity Area (KBA)

Wan KBA hemi wan eria we i: kat biodaevesiti we i stap long denja blong lus; biodaevesiti ia i stap long wan smol eria nomo; save sapotem hae biodaevesiti; kat ol proses we oli impoten long wan ekosistem; mo i kat olgeta biodaevesiti we sapos oli lus, bae yumi nomo save karem bak olgeta. Olgeta spisis mo ekosistem ia bae oli save stap long graon, fres wota mo solwota mo bae secretri blong KBA bae hemi mas konfemem. Vanuatu hemi kat 27 KBA.

## Treten Spisis

Vanuatu i kat 138 spisis we oli stap long denja blong lus folem wanem we IUCN Red List i sowem. Treten Spisis Projek ia hemi karem mani long CEPF blong wok wetem 27 long ol spisis we oli stap long denja ia. Fotin long ol treten spisis ia oli stap long graon mo wota raon long Aneityum. Olgeta oli:

### Endemik

- Anatom Skink
- Vanuatu Flaeng Fokis
- Bangulu Palm

Vanuatu endemik spisis we oli bin faenem bifo long Aneityum

- Royal Parrotfinch
- Vanuatu Megapode

Stap long Vanuatu mo wan mo kantri

- Fijian Blossom Bat
- Palm Lorikeet

Stap long fulap ples

- Dugong
- Collared Petrel
- Polynesian Storm Petrel
- Hawksbill Turtle
- Green Turtle
- Moluccan Ironwood
- Pacific Kauri

## From wanem nao aelan ia i spesel?

Long Vanuatu, CEPF hemi jusum six prioriti eria aot long 27 KBA ia mo Aneityum hemi wan long olgeta. Aneityum hemi las aelan blong Vanuatu long Saot. Aelan ia hemi hom blong fo endemik spisis we oli stap long denja blong lus mo tu long olgeta hemi Anatom Skink mo Bangulu Palm. Critically Endangered Bangulu Pam hemi neitif long Tanna, Futuna mo Aneityum, be Endangered Anatom Skink i stap nomo long Aneityum, i nomo kat long eni narafala ples long wol.



Anatom Skink. Not: Yumi nokat eni foto blong endemic spisis ia . Hemi luk semak long Smoan Skink (antap). Wanem we hemi difren long tufala hemi namba blong skal long ol saed mo finka blong olgeta.

Source: IUCNredlist.org



Aneityum

Source: Google Maps